

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

**Haineuve, Julien**

**Coloniæ Agrippinæ, 1665**

Feria 3. De timore, anxietate, & agonia Domini. Ab imitando Christo  
excusantis humana[m] infirmitate[m] infirma est & nulla excusatio.

**urn:nbn:de:hbz:466:1-44214**

# FERIA TERTIA.

## DE TIMORE, ANXIETATE, ET

### Agonia Domini Iesu.

*Et capie pavere, & tadere. Et factus in agonia prolixius orabat. Marci 14. Luc. 22.*

#### VERITAS PRACTICA.

**A**b imitando Christo, excusantis humanam infirmitatem, infirma est & nulla excusatio.

**RATIO EST.** quia nulla est excusatio, si Christus assumptus humanam infirmitatem. Sed humanam Christus assumptus infirmitatem. Ergo à Christo imitando, excusantis infirmitatem humanam, infirma valde est & nulla excusatio.

#### I. PUNCTUM.

**S**ICUT à timore anxietas, sic ab anxietate processit agonia: quantum quidem cogitari potest accidisse hoc modo, qui attentè & piè revoluendus.

Permisit Christus imaginationi sua sibi representare tormentorum atrocitatem, quam moriendo passurus esset, & concessit appetui sensitivo inde concipere mortis timorem & horrorem, quām magnus & sensibilis conceperat; Cūm vero Voluntas superior liberimè acceptaret illa tormenta, & consentiret in mortem subeundam, hinc anxietas quādam orta est in ejus animo, quid nempē potius ageret ex duobus sibi propositis? AN MORTEM ACCEPTARE? AN DIFFERRE? Differre suadebat timor, acceptare amor; Quid faciat?

*Pf. 141.  
1. par. II  
2. Reg. 24*

Anxiatus est super eum spiritus eius, turbatum est in eo cor eius, ut posset dicere, Ex omni parte me angustis premunt, Coarctor nimis. Sed tempus urget, hora instat, adsunt hostes, concludendum quid fiat; tunc sit agonia, id est, extremum certamen inter timorem & amorem; Uter utri cedat; Et cūm timorem vicerit amor, hinc factum est ut sanguis, qui ex timore circa cor se effuderat, retractus fuerit ab amore, & in omnes corporis partes tantā vehementiā dilatatus, ut ipsam carnem per-

transferit, sīcque sanguinis guttae defluxerint; Et factus est Iudor eius sicut gutta sanguinis de currentis in terram. O amor, eō magis admittandus, quo impugnati voluit à timore, ut se se facilis in exemplum mihi præberet. Nec enim timuissi nisi voluisset, & idcirco voluit, ut timorem meum vincere vinceret suum. Nam suo illo timore & pavore, cūm aperte indicaverit humanam assumptionem infirmitatem, planè abstulit omnem illorum excusationem, qui ab ipso imitando in quotidianis vitae actionibus se retrahunt, suamque propriae allegant imbecillitatem.

Quid enim dicunt, quid excusat? Quidquid sit, hoc nullum planè est, si Christus humanam induerit infirmitates; non enim aliud dicunt, quām quod Christus Deus esset, nos autem homines; & cūm longissime distent natura Dei & hominum, hinc concludunt, non id à nobis fieri posse, quod Ipse fecit.

Sed errant & quidem vehementer, nescientes scripturas & virtutem Dei, arque infirmitatem Christi. Nam si nihil obstaret Divinitas, quo minus æquè ac quivis hominum infirmus esset Christus, quid tu homo excusat infirmitatem tuam? Adde præterea, quod est valde observandum, si nihil obest humana tua infirmitas, quo minus æquè ac ipse Christus Dominus, potens sis & validus ad id omne præstandum ejus exemplo, quod juberis, quid est, quod te ab eo imitando retrahas, & excuses, quod ille fuerit potens & validus? Ubi enim pars fuerint omnia, nulla est impiatatis excusatio.

#### II. PUNCTUM.

**S**ED Christus Dominus humanam planè absumpsit infirmitatem.

Id est, ita timuit, ita exhorruit, & id omne sensit humanitus, quod tu naturaliter sentis in malis sensibilibus tolerandis. Sic enim dicitur.

1.13. cetur: *Vñ dolorum & sciens infirmitatem: sic ve-*  
*rē languores nostros tulisse, & dolores nostros por-*  
*tasse. Sic debuit per omnia fratrilias similari, ut*  
*misericors fieret. In eo enim, in quo passus est ipse*  
*& tentatus, potens est & eis, qui tentantur auxiliari.* NON enim habemus Pontificem, qui non  
*possit compati infirmitatibus nostris, tentatum*  
*autem per omnia pro similitudine ab ipso peccato.*

1.14. Sic Prophetæ, sic Apostoli, sic universa  
*pässim scriptura, nec aliter eam interpretan-*  
*tur Patres & Doctores, quam simpliciter di-*  
*cendo, ita Christum nostrum infirmitate fuisse*  
*infirmum, ut nos ejus virtute fortes & validi*  
*esse possimus. Ego, inquit sanctus Ambrosius,*  
*nusquam magis pietatem eius maiestatemque*  
*demiror: Minus enim contulerat mihi, nisi meū*  
*suscipisset affectum. Suscepit tristitiam meam, ut*  
*mibi suam latitudinem largiretur, & vestigiis nostris*  
*descendit usque ad mortis crünnam, ut nos suis*  
*vestigiis revocaret ad vitam. Sanctus quoque*  
*Augustinus, Nos in se transiulit, nos in se suscep-*  
*pit; caput nostrum membrorum fuorum suscepit*  
*affectum, & ideo ab aliquo non est turbatum, sed*  
*sicut de illo dictum est cum Lazarum suscitavit,*  
*turbavit semetipsum: oportebat enim ut unus*  

Tract. 51. *Mediator Dei & hominum, homo Christus Iesus,*  
*scit nos excitavit ad summa, ita nobis compate-*  
*retur ad infirma. Sanctus item Gregorius, Fortis*  

in Ioan. 16. Mor. super omnia, apparuit infirmus inter omnia, ut

14. dum nobis ex assumpta infirmitate congrueret,  
 ad permanentem nos suam fortitudinem eleva-  
 ret. Sanctus denique Leo, Nostra infirmitatis  
 affectus participando curabat, & penalis expe-  
 riencia metum subundo pellebat. In nobis ergo  
 Dominus nostro pavore trepidabat, ut suscep-  
 tio nra infirmitatis indueret, & nostram in-  
 constantiam, sue virtutis soliditate vestiret.  
 Quid clarius? quid expressius?

fert ad excusationem vestram, quod fuerit  
 Deus, cum simul fuerit homo similis nobis.  
 Sicut enim quod fuerit Deus, non impedit,  
 quin simul fuerit homo, sic neq; obstat quin  
 fuerit homo infirmus; ac proinde tantum ab-  
 est, ut possis inde te excusare ab eo imitando,  
 quod Deus esset & te fortior, quin potius ex  
 hoc ipso, quod Deus esset & maximè fortis,  
 habes efficacissimum ejus imitandi motivum;  
 tum quod ipse Tantus se tantillum fecerit, ut  
 te provocaret ad sequendum, tum quod te,  
 tantillus cum sis, talēm & tantum fecerit, ut  
 possis cum sequi si velis. O quārum debemus  
 tuę fortitudini bone Iesu, sed non minus In-  
 firmitati; nam & fortitudo tua nos creavit. In-  
 firmitas tua nos recreavit, sic patiendo pro  
 nobis, sique nos ad patientiam tuam exci-  
 tando.

Modum autem in adversis proprius imitan-  
 di Christi, fusè docet sanctus Augustinus va-  
 tris in locis: Primo quidem in illa Domini Tract. 15.  
 Verba: Nunc anima mea turbata est. Quid est in Ioān.  
 hoc, inquit, quomodo sequi jubes animam meam,  
 si turbari video animam tuam? Quomodo suffe-  
 ram, quod grave tanta firmitas sentit? Quale Ioān.  
 fundamentum queram, si petra succumbit? Sed  
 videor audire in cogitatione mea respondentem  
 Dominum, & quodammodo dicentem, magis se-  
 queris, quia sic me interpono ut sufferas. Audisti  
 ad te, vocem fortitudinis mea, audi in me vocem  
 infirmitatis tua. Vires fuggero ut curras, nec re-  
 primo quod acceleras, sed transfero in me quod  
 trepidas, & substerno quā transeas. Et post pau-  
 ca, sic ad praxim aptissime: Sicut autem hic di-  
 xit, Nunc anima mea turbata est, ita etiam ubi  
 dicit, Tristis est anima mea usque ad mortem, &  
 Pater, si fieri potest, transeat à me calix iste, ostendit  
 hominis suscepit infirmitatem, ut doceat sic  
 contristatum & conturbatum, quod sequitur di-  
 cere, Veruntamen non quod ego volo, sed quod tu  
 vis. Pater. Sic enim homo ab humanis in divina  
 dirigitur, cum voluntati humana divina prapo-  
 nitur. Et in hæc Psalmi trigessimi secundi ver-  
 ba: Exultate justi in Domino, rectos decet collau-  
 datio. QVI sunt recti qui dirigunt cor secundum  
 voluntatem Dei. Et si eos perturbat humana fra-  
 gilitas, divina consoletur aequitas. Quamvis au-  
 tem corde mortali privatim aliqua velint, quo  
 sue interim cause, vel negotio vel praesenti nece-  
 ssitati conveniat: ubi intellexerint & cognoverint  
 aliud Deum velle, præponunt voluntatem melio-  
 ris voluntatis sua, & voluntatem Dei voluntati  
 hominis.

hominis. Quantum enim Deus distat ab homine, tantum voluntas Dei à voluntate hominis. Vnde gerens hominem Christus, & regulam nobis ponens, docens nos vivere, & prestans nobis vivere, ostendit hominis quandam privatam voluntatem, in qua suam figuravit nostram. Pater, inquit, si fieri potest, transcat à me calix iste. Hec humana voluntas erat, proprium aliquid & tanquam privatum volens. Sed quia recto corde voluit esse hominem, ut quidquid in illo aliquantum cursum esset, ad illum dirigeret, qui semper est rectus: Verum non quod ego volo, ait, sed quod tu, Pater. Ecce vide, inquit, te in me, quia potes aliquid proprium velle, ut aliud Deus velit. Conceditur hoc humana fragilitati; conceditur humanae infirmitati, aliquid proprium velle, difficile est, ut non tibi contingat: sed statim cogita, qui sit supra te. Illum suprato, te infra illum; illum

Creatorem, te creaturam: Illum Dominum, servum: illum omnipotentem, te infirmum cogita cor: in te, subiungenque voluntati ejus, ac dicens: verum non quod ego volo, sed quod tu vis. Pater, Quomodo disiunctus es à Deo, qui jam hoc vis quod Deus?

Iremque alibi: Ut si cui eorum inter humanas tentationes contristari & dolere contingeret, non ideo je ab eis gratia puraret alienum, & non esse ista peccata, sed humanae infirmitatis indicia, tanquam voci premissa concinens chorus, ita corpus eius ex ipso suo capite addisceret. Quod & brevius repetens sanctus Papa Gregorius: Ut l. 12. M. cum hoc, inquit, imminet, quod fieri nolumus, sic e.g. per infirmitatem petamus ut non fiat, quatenus p.r fortitudinem parati simus, ut voluntas Conditoris nostri contra voluntatem nostram fiat.

## PRO EADEM FERIA QVADRAGESIMAE.

Ad Evangelium, de Domini ingressu in Civitatem, & in templum.

### VERITATES PRACTICÆ.

Ad hæc commotæ Civitatis verba de Christo Domino, Quis est hic?

Affectu potius quam studio Christus cognoscitur.

In 1. parte, Feria 2. hebdomada tertia in Adventu.

Quidquid de Christo se scire dicant Impii, Christum nelcirc dicendi sunt.

In 4. parte, Feria 4. hebdomada 19.

Dum è templo vendentes ejicere confide-

ratur Dominus, considerandum venit, quod in 1. parte habetur in Dedicatione Ecclesiæ: Pavete ad Sanctorum meum.

Sic sèpè etiam Dominus res nostras evexit ut se summum ostendat Dominum: Tunc autem quanto minus murmuramus, aut quanto magis tacemus, tanto altius altissimum Ejus Dominum prædicamus.

In 1. parte, Feria 2. hebdomada sexta post Epiphaniam.

De hoc porro ingressu Ierosolymitanó, plura in Dominica Palmarum; & Dominica nona post Pentecosten, actora hebdomada 26. quartæ partis.

## FERIA QVARTA: DE COMPASSIONE CHRISTI Domini erga homines: & de nostra erga ipsum.

In misericordia sempiterna misertus sum tui, dixit Redemptor tuus Dominus. Is. 54.

VERITAS